

日本研究會叢書

征

倭

論

龔德柏著

序言

數十年來。中國外患瀕仍。國勢危殆。至於今日。已有岌岌不可終日之勢。然其原因並不在外而在內。蓋有甲申戰勝而割地賠款。始有甲午倭人之挑釁。有甲午能戰而割地賠款。始有戊戌各海港之被佔據。有各海港之被佔據。始有庚子之反動。有庚子之反動。始有北京之陷落。而國勢愈不可爲。此後三十年來之外患。遂絕無抵抗之意思。致有今日倭併遼吉之巨禍。此無他。恐外與苟安心理支配全國之所致也。夫土耳其亦常被外人侵略如中國矣。歐戰聯德宗社幾墜。然而克馬爾率其民兵數萬人。擊希而破之。不特挽救

其已墜之國運。且使外人不敢再懷侵略土耳其之念。此無外。恐外與苟安之心理變而爲決死之心理。外人既非愚痴。何敢再批逆鱗而逢其怒。今也倭佔遼吉。已扼我之咽喉。國勢之危殆。已如土耳其矣。而倭之軍閥。自己既無持久力。又犯天下之衆怒。固不如希之能得聯合國之援助也。而中國之勢力。則遠非克馬爾之數萬民兵可比。有可戰之勢。更具能戰之資。若猶爲恐外與苟安心理所支配。羣疑滿腹。衆難塞胸。則中華民族。應沉於太平洋海底。實無存立於現世界之資格也。昔曹操下荊州。傳檄東吳。諭令投降。孫權畏曹操兵多。不敢決降戰之策。時諸葛亮奉使在吳。將曹兵雖多不足爲慮各點。開陳明白。周瑜之見亦同。而孫劉之交成。曹操以敗。

今日之倭寇。決不及曹操之強。中國國力亦不亞於孫劉。吾人故敢將倭人勢力。及中國應付方法。開陳明白。願國人早決大計。勿遺時機。蓋此爲中國民族興亡所關。並非平常之國難可比也。大凡事業之成就。完全在信仰心。昔納爾遜率英國艦隊防禦拿破崙入寇。在突蘭斯伐爾海戰之前。一參謀問曰。假定吾人戰勝。後世批評將若何。納爾遜答曰。吾人勝利。毫無疑義。不須『假定』二字。其後果歸英國勝利。納爾遜雖戰死。而其英名垂芳千古。則其信仰心堅強之所致也。我革命軍在北伐前。其信仰卽『我們今年要直搗武漢會師幽燕。』故以極少數之兵力。將軍閥勢力完全擊破。不兩年而統一中國矣。今日之勢力。百倍於北伐之前。對於舉世皆敵之倭

寇。亦當自信能以疾風掃落葉之勢而擊破之。本書目的在使其信仰心堅強。而達到最後之勝利也。昔美國抗英獨立。衆議未決。波特列亨利向衆演說曰。

諸君皆曰。吾人小弱。不能當勁敵。噫是何言也。若必待強盛然後與之抗。則強盛期於何日乎。一旬乎。抑一年乎。吾恐自今再遲數日。卽此僅有之兵器。亦將被剝奪而無餘。英國之哨兵。已每戶屯聚矣。吾人至今尙能優柔寡斷。自誤時機。高枕安臥。空望不可恃之和平。虛待他日之強盛。以靜待敵人之極枯加於吾頸乎。吾人所恃爲從天賜予之力。若能盡其所有。決非小弱。何勁敵之足畏。我有衆三百萬。同心戮力。共舉自由

之義旗。同據權利之堅城。守其國土。彼雖有堅艦利兵。安能敵我。且吾人非僅僅以力戰也。實以正義人道與之周旋。今敵人欲侵弱暴寡。而廢正義。故吾人應秉持正義。起而與之爭。雖勢窮力竭。神明必降援軍以救吾。而况師貴有名。今僅憑暴力。必致敗亡。若我仁義之師。堂堂之陣。勇往直前。必能克敵而無疑。吾人困於進退維谷之勢。偷安苟且。欲戰不前。欲退不服。既已稍失時機。倘再蹉跎。退而不戰。則舍甘爲牛馬奴隸之外無他也。今敵人多年練就欲加於吾人項頸之鐵鎖。憂憂之聲。已聞於波斯頓之原野矣。勢迫如此。雖欲不戰。豈可得乎。故吾人當求速戰。當求速戰。（下略）

征倭論 序言

六

吾人只將英人改爲倭人。波斯頓改爲滿洲。覺其字字皆能應用於今日之局勢。故借其言以殿吾序。

著者識 民國二十年九月二十八日

征倭論目次

第一章 倭人歷史上大陸侵略政策

第二章 此次倭禍之由來

第一節 中國統一將成使倭人喪失侵略之機會

第二節 吉會路與清津港爲倭侵略政策所必需

第三節 爲獨占東三省不許中國自有鐵路

第四節 倭軍閥之失業恐慌

第五節 佔領陰謀之醞釀

第三章 倭人使滿蒙獨立之陰謀

第一節 陰謀之歷史

第二節 次此獨立陰謀之進行

第三節 獨立陰謀與上海申報

第四章 倭人絕對不能戰勝之原因

第一節 由外交上言之

第二節 由財政上言之

第三節 由物資上言之

第四節 由國民生計上言之

第五節 由國民思想上言之

第六節 倭軍官之腐敗與兵士心理之變遷

第七節 倭軍閥完全投機的行爲

第五章 征倭之必要

第一節 中倭不兩立

第二節 收回國權與征倭

第六章 征倭之戰略

第一節 剷除恐外與苟安心理

第二節 放棄海岸線

第三節 持久戰與乘隙搗虛

第四節 征倭須如北美殖民地抗英

第五節 征倭須如俄人抗拿破崙

征倭論

龔德柏著

第一章 倭人歷史上之大陸侵略政策

倭人自昔受中國文化之薰陶。始得脫於野蠻之境。故倭人從來即爲中國文化上之附庸。自居爲東夷或倭夷。而待中國爲天朝。明神宗時。有所謂豐臣秀吉者。專制倭政。懷抱侵略大陸之野望。率軍入寇朝鮮。明朝遣兵禦之。秀吉不能得志。然仍不肯退兵。及秀吉死。倭軍始退。此爲倭人侵略大陸政策之始祖。繼秀吉者爲德川氏。德川氏鑑於秀吉之失敗。遂改取鎖國主義。行之三百年。迄明治維新。（西歷一八六七年）而形勢一變。當時維新諸元勳。受明

朝宗室朱舜水先生尊王攘夷學說之薰陶。及泰西各國侵略主義之影響。遂養成軍國主義之思想。維新以來。一面改革政治。一面擴張軍隊。知當時清廷之腐敗無爲。卽有所謂征韓論發生。主之者爲薩閣西鄉隆盛一派。惟當時羽翼未豐。倭廷多數未敢贊成。西鄉隆盛等因主張失敗。憤而下野。其後竟稱兵謀叛。所謂西南之役是也。又經二十年後。至明治二十七年。倭人因政治已上軌道。軍備亦漸充實。而清廷因牝鷄司晨。腐敗較前尤甚。遂決心向清廷挑戰。（參照拙譯當時之外務大臣陸奧宗光著蹇蹇錄。現改名日本侵略中國外交祕史。商務出版。）強迫清廷許朝鮮獨立。並割台灣及遼東半島與倭。倭人以爲侵略大陸已獲鞏固之根據地。從此直搗幽燕。取

清廷而併吞中國。不過時日問題。故舉國上下。歡喜若狂。不料青
天霹靂。俄人以其有礙俄之遠東政策。聯合德法。出而干涉。終迫
倭人吐出遼東半島。於是倭人視爲奇辱大恥。生聚教訓者十年。終
敗強俄於東三省之野。東三省南部盡入倭人掌握。由俄人手中讓得
旅順大連之租借權。及長春迄大連之鐵路經營權。卽現在所謂南滿
鐵路是也。並強迫清廷讓與礦山森林種種權利。其後又要求修築安
奉鐵路。清廷不許。倭人竟自由修築。清廷亦無如之何。從此以後
。積極經營。以國內第一野心家後藤新平爲南滿鐵路總裁。樹立每
年移民五十萬人於東三省之計畫。二十年後。可達千萬。一旦有所
舉動。以倭人駐東三省之軍隊及鐵路守備隊爲基本。可以編成二十

萬人之軍隊。則東三省名實皆爲倭人所有。中國對於旅大租借地及南滿鐵路。不能依條約期滿而收回矣。無如倭人安居故土。不願移住東三省。致移民計畫完全失敗。遂影響其久假不歸之政策。其後乘歐洲戰爭。列國無暇東顧之機。竟以最後通牒。強迫中國承認所謂二十一條。除獲得種種特別權利外。並將旅順大連租借期。（原約二十五年）南滿鐵路經營期。（原約二十六年）均延長爲九十九年。而倭人自由修築之安奉路經營期。亦延長爲九十九年。其久假不歸之意。已明若觀火。從此銳意經營。並修築支路。如四洮（四平街至洮南）路。洮昂（昂昂溪）路。鄭通（鄭家屯至通遼卽白音打拉）路。皆借倭款而修者。瀋海（瀋陽至海龍）路則因洮昂路借倭款

。而許中國自修者。此數路者。皆爲南滿路之營養綫。其所運內地貨物。皆須再經南滿路而出海。致南滿路之營業。發達異常。只鐵路運費一項。每年竟達一萬二千萬元以上。合其他礦山諸種收入。每年達二萬四千萬元之鉅。故南滿路不特爲倭人侵略大陸之大動脈。且爲其寶庫。倭人之得意可想而知。不料因張作霖被倭人炸死。而東三省統一於中央。因打通路成。及金貴銀賤。而南滿路收入大行減少。遂使倭人感覺其侵略政策之危機。而有今日大冒險之舉也。

第二章 此次倭禍之由來

第一節 中國統一將成使倭人喪失侵略之機會

倭人對華之根本政策。在使中國四分五裂。然後無力抵抗外侮。倭人乃可向中國奪取權利。故今日助甲倒乙。明日助丙倒甲。二十年來。循環不已。致中國統一永無實現之望。而倭人之侵略政策。終有實行之可能。然倭人之法術行之既久。已漸爲中國所了解。而自革命軍北伐以來。以秋風掃落葉之勢。打倒一切反對勢力。而其巨魁之張作霖。亦因戰敗出關。倭人竟炸之於南滿路傍。其子張學良因感覺統一之必要。及父死之可慘。棄其地盤思想。統一於中央政府之下。雖事前經倭人幾許阻止。事後經倭人幾許挑撥。終不爲之所動。去年竟率兵入關。助中央削平反動。坐鎮北方。今年又

獨力消滅倭人所扶持之惡軍閥石友三。使其他反動分子。不敢有所舉動。以便中央以全力削平赤禍。眼見中國全國。在數月內。必見統一。是與倭人使中國四分五裂。以便向中國乘火行劫之政策。完全衝突。是中國之統一。固爲中國之存亡攸關。亦爲倭人之盛衰所關。故不論如何。須在中國統一未完成以前。行其侵奪東三省之政策。既可以鞏固其在大陸之基礎。又可使中國統一之功虧於一簣。算計之工。未有過於此者。故中國統一將成。實爲使倭軍閥急速實行併吞東三省之第一重要原因也。

第二節 吉會路與清津港爲倭人侵略政策所必需

倭人席捲大陸之計劃。本大連與清津。南滿路與吉會路並重。